

Transkript sa konferencije za medije visokog predstavnika, ministra za ljudska prava i izbjeglice BiH i predstavnika udruženja decertificiranih policajaca RS i FBiH

Visoki predstavnik, Christian Schwarz-Schilling:

Želim vam dobar dan i hvala vam na dolasku. Ja ću reći nekoliko riječi, a potom ću dati riječ Ministru Kebi i nekolicini predstavnika decertificiranih policajaca koji ovdje stoje iza mene.

Dozvolite prvo da kažem da u potpunosti razumijem težinu situacije u kojoj se danas nalaze decertificirani policajci. UN IPTF je izvršio jednu važnu i potrebnu funkciju. Međutim, neki policajci su otpušteni sa posla bez mogućnosti da se izvrši revizija razloga zbog kojih su otpušteni. Moje je čvrsto ubjeđenje da se mora iznaći rješenje, da se mora ljudima pružiti mogućnost za odbranu i to rješenje je zasnovano i u mišljenju Venecijanske komisije i zasniva se također i na Povelji o ljudskim pravima.

Ja sam dakle, poduzeo određen broj koraka da pokušamo dovesti do rješenja ovoga pitanja. Prvo sam se konsultirao u tijesnoj vezi sa Vijećem ministara Bosne i Hercegovine. Dalje sam pružio podršku organima vlasti Bosne i Hercegovine u pismu koje sam uputio Vijeću sigurnosti UN-a. Lobirao sam kod članova Vijeća sigurnosti da se preuzmu odgovornosti u ime Ujedinjenih nacija. Dalje pokušao sam nagovoriti članove pripadnika Vijeća za implementaciju mira da se podrži moja pozicija kada smo nedavno razgovarali u Beču. I konačno, ovo

sam pitanje pokrenuo u toku moje posjete koju sam obavio Političkom i sigurnosnom komitetu Evropske unije 17. marta.

Međutim, mi svi moramo razumjeti da neće biti lako postići ovaj cilj. Ujedinjene Nacije su jedina institucija koja ima mandat da izvrši reviziju u ovom pitanju. Međutim, njihova pozicija je bila da će biti vrlo teško provesti reviziju po pojedinačnim zahtjevima ovih ljudi. Međutim to nije odgovor koji ćemo prihvatiti jer svako, po mom mišljenju, ima pravo na pravdu. Dakle, ovakve isprike Ujedinjenih nacija nećemo prihvatati. S toga ću ja u aprilu ići da lično razgovaram sa Vijećem sigurnosti. Ostaje dalje da se vidi da li ćemo uspjeti nagovoriti Ujedinjene narode da promijene svoj stav.

Međutim, ja obećavam da ćemo nastaviti i dati sve od sebe da ih nagovorimo, da ih uvjerimo kako trenutna pozicija nije održiva. Ja sam inače čovjek koji se čvrsto drži svojih uvjerenja i principa. Ja sam vršio dužnosti predsjedavajućeg Komisije za ljudska prava pri Njemačkom Bundestagu. Ja sam kao političar u svojoj karijeri nekada mijenjao stavove, međutim uvjerenja ne mijenjam nikada. Ja ću se pridržavati toga i boriti ću se svim snagama da dođemo do rješenja. Mislim da se ovdje možete osloniti na mene i nadam se da ćemo na kraju svi imati uspjeha.

Ministar za ljudska prava i izbjeglice BiH, Mirsad Kebo:

Danas sam zajedno sa predsjednicima i članovima udruženja decertificiranih policajaca Republike Srpske i Federacije Bosne i Hercegovine ima jedan vrlo koristan, da ne kažem inspirativan sastanak sa visokim predstavnikom, koji je jedan u nizu napora vlasti Bosne i Hercegovine da zajedno sa institucijom visokog predstavnika nađemo pravedna rješenja za očito kršenje ljudskih prava prema 157 članova Udruženja u oba entiteta.

Ja vam moram reći da smo poduzeli veoma važne diplomatske

aktivnosti. Također sam informisan o određenim stavovima koji ukazuju da je ovaj problem težak i ja ponavljam, problem jeste težak. Ali nećemo odustati. Sa visokim predstavnikom smo razgovarali i o nekim aktivnostima koje ćemo u aprilu mjesecu poduzeti vezano za prava pojedinih članova ovih udruženja. Ali, o tome želim razgovarati slijedeći put kada vidimo kako će rezultirati ove naše aktivnosti, kojom vrstom i kojim opredjeljenjem Vijeća sigurnosti.

Ovo za nas nije pitanje samo 157 ljudi, ovo je pitanje principa i odnosa prema ljudskim pravima na kome vlasti Bosne i Hercegovine polažu svoj ispit. Ja sam kao ministar spreman zajedno sa ovim ljudima ići do kraja. A to znači koristiti sve institucije međunarodnog prava, Ustava Bosne i Hercegovine i zakona i odgovornosti naših institucija prema ovim obavezama, prema ovim ljudima koji su došli na rub egzistencije. To je zapravo samo utvrđivanje jednog principa koji mora da važi i za druge kojima su osporena prava u ovoj državi koja dakako kroči u Evropsku uniju, a njena glavna ulaznica jeste poštivanje pojedinačnih ljudskih prava. I mislim da ćemo u tome uspjeti.

Visoki predstavnik je dao punu podršku. Nisam ni sumnjao u to. Dobili smo podršku ambasadora najvećih zemalja, najjačih, najodgovornijih za svjetski poredak. Ja mislim da ćemo u razgovorima koji će slijediti u New York-u ubjediti i one u Sekretarijatu ujedinjenih nacija da je velika vrijednost i afirmacija međunarodnog prava priznati da postoji greška.

Hvala lijepo.

Udruženje decertificiranih policajaca:

U ime decertificiranih policajaca oba bosansko-hercegovačka entiteta mi želimo izraziti našu zahvalnost gospodinu Schilling-u, visokom predstavniku međunarodne zajednice u BiH i istaći jedan značajan moment – da je ovo jedna bitna razlika

u odnosu na njegovog prethodnika gospodina Paddy-a Ashdown-a koji je donedavno predstavljao međunarodnu zajednicu u BiH. Gospodinu Schilling-u i gospodinu Kebi koji je prisustvovao današnjem sastanku izražavamo posebnu zahvalnost, jer je ovo značajan pomak u rješavanju problematike decertficiranih policajaca koja je prisutna i, rekao bih, goruća već četvrtu kalendarsku godinu u Bosni i Hercegovini.

Uopšte ne sumnjamo u pregovaračke i diplomatske sposobnosti gospodina Schilling-a i smatramo da će on tim sposobnostima uspjeti nagovoriti predstavnike Ujedinjenih nacija, Vijeća sigurnosti ujedinjenih nacija, Vijeća Evrope i tako dalje, da u skladu sa preporukama Venecijanske komisije provedu proces revizije vezano za problem decertificiranih policajaca.

Gospodin Kebo paralelno sa ovim aktivnostima provodi određene aktivnosti na implementaciji zaključaka Parlamentarne skupštine Bosne i Hercegovine. Znači, u skladu sa ovim što gospodina Schilling radi na nivou Vijeća Evrope, Vijeća sigurnosti ujedinjenih nacija, decertificirani policajci – znači oba udruženja na nivou oba entiteta – provode još aktivnosti koje se odnose na realizaciju ovih zaključaka. Paralelno s tim mi ćemo tražiti da Vijeće ministara Bosne i Hercegovine realizira zaključke koji su već dva puta usvojeni vezano za ovu problematiku. I u skladu s tim ja se još jednom posebno zahvaljujem ministru Mirsadu Kebi i gospodinu Schilling-u.

Hvala vam lijepo.